



**DOBRE
VIJESTI**

UČLANITE SE BESPLATNO U BIBILOTEKU

8 sep | 11:46

Univerzitet u Sarajevu, ne slučajno na Međunarodni dan pismenosti, organizira Nacionalni dan svjesnosti o bibliotekama. Tim povodom i biblioteke u cijeloj BiH imaju brojne aktivnosti kako bi podigle svijest o važnosti postojanja biblioteka i vrijednosti provjerene i prave informacije.

Nacionalna i univerzitetska biblioteka BiH organizirala je Dan otvorenih vrata nudeći besplatan upis novim korisnicima. Osim toga, uposlenici Biblioteke priredili su i izložbu pod nazivom 'Blago NUB BiH.

I danas i u narednim danima u biblioteku možete, u okviru aktivnosti 'Daruj knjigu, uzmi knjigu', darovati ili uzeti knjige koje vam se dopadnu.

Uposlenicima Biblioteke, kažu, unatoč nepostojanju stalnog i sigurnog izvora finansiranja, ne manjka ni etuzijazma ni volje da korisnicima osiguraju kvalitetne servise. Naglašavaju da njihov redovan rad ovisi o realizaciji projekata.

Trenutno čekaju sredstva za realizaciju projekta putem Federalnog ministarstva obrazovanja i nauke i Ministarstva civilnih poslova BiH.

Uposlenici biblioteke su posljednju plaću dobili za maj, ali kažu danas je svečan dan. Važno je da se korisnici osjećaju ugodno u bibliotekama i da se podigne svijest o njihovoj važnosti.

(Elma Begović-Omerašević/ Foto: Hayat)